

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1827-2/12
Sarajevo, 4. 9. 2012. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRISLIJENO: 07-09-2012			
Organizaciona jedinica	Klasifikaciona oznaka	Redni broj	Broj priloga
01-50-1-15	29/R		

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje, dostavlja se

Vijeće ministara Bosne i Hercegovine je na 18. sjednici održanoj 30. 8. 2012. godine utvrdilo odgovor na zastupničko pitanje koje je postavila Danijela Martinović, zastupnica u Zastupničkom domu Parlamentarne skupštine Bosne i Hercegovine.

U pritvku prosljeđujemo odgovor radi njegovog dostavljanja zastupnici.

S poštovanjem,


GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-1827-2/12
Sarajevo, 30. 8. 2012. godine

Danijela Martinović, zastupnica u Zastupničkom domu Parlamentarne skupštine Bosne i Hercegovine, na 29. sjednici Zastupničkog doma održanoj 07.06.2012. godine, postavila je sljedeće zastupničko pitanje:

„Kada će se formirati radna skupina za analiziranje stanja u Agenciji za javne nabavke i Uredu za žalbe?“

Na postavljeno pitanje, Vijeće ministara Bosne i Hercegovine je na 18. sjednici održanoj 30.8.2012. godine, utvrdilo sljedeći

ODGOVOR

Generalni sekretarijat Vijeća ministara BiH, je aktom, broj: 05-07-1-126-46/11 od 11.10. 2011. godine, obavijestio Ministarstvo pravde BiH i Ministarstvo financija i trezora BiH, da je Vijeće ministara BiH, na 163. sjednici održanoj 10.10.2011. godine upoznato sa zaključkom Zastupničkog doma Parlamentarne skupštine BiH sa 8. sjednice održane 25.08.2011. godine, povodom rasprave o izvješću o radu Ureda za razmatranje žalbi za 2010. godinu, a kojim su konstatirani problemi u radu Agencije za javne nabavke BiH i Ureda za razmatranje žalbi.

S tim u vezi, zaduženo je Ministarstvo pravde BiH da u suradnji sa Ministarstvom financija i trezora BiH, za Vijeće ministara BiH pripremi Prijedlog Odluke o formiranju Radne skupine koja će analizirati stanje u Agenciji za javne nabavke BiH i Uredu za razmatranje žalbi, te predložiti rješenja za prevazilaženje problema u njihovom radu.

Shodno navedenom, imajući u vidu kompleksnost materije, predloženo je da se imenuju predstavnici u Radnu skupinu ispred Ministarstva financija i trezora BiH, Ministarstva pravde BiH, Agencije za javne nabavke BiH i Ureda za razmatranje žalbi.

Postupajući po aktu Vijeća ministara BiH, Ministarstvo pravde BiH je zatražilo o naprijed navedenih institucija da dostave imena članova Radne skupine.

Shodno nadležnostima utvrđenim u zakonu, Ministarstvo pravde BiH je sačinilo Prijedlog Odluke o imenovanju Radne skupine za realizaciju zaključka Zastupničkog doma sa 8. sjednice održane 25.08.2011. godine i istu uputilo Vijeću ministara BiH na razmatranje i usvajanje.

Vijeće ministara Bosne i Hercegovine je na 169. sjednici održanoj dana 21.12.2011. godine donijelo Odluku o imenovanju Radne skupine za realizaciju zaključka Zastupničkog doma sa 8. sjednice održane 25.08.2011. godine koja je objavljenja u „Službenom glasniku BiH“, broj 6/12.

Ministarstvo pravde BiH, je postupajući u okviru svojih nadležnosti, a imajući u vidu činjenicu da je u međuvremenu došlo do formiranja izvršne vlasti na nivou Bosne i Hercegovine, a što je imalo za posljedicu kadrovske promjene u pojedinim institucijama koje

su predložile svoje predstavnike u Radnu skupinu, ponovo obavijestilo te institucije da predlože nove predstavnike, koji bi mogli uzeti aktivno učešće u radu Radne skupine.

Ministarstvo pravde BiH je prema dostavljenim prijedlozima nadležnih institucija, pripremilo Prijedlog Odluke o izmjenama Odluke o imenovanju Radne skupine za realizaciju zaključka Zastupničkog doma sa 8. sjednice održane 25.08.2011. godine.

Sukladno propisanim procedurama i u postupku izrade Prijedloga odluke o izmjenama Odluke o imenovanju Radne skupine za realizaciju zaključka Zastupničkog doma sa 8. sjednice održane 25.08.2011. godine, Ministarstvo pravde Bosne i Hercegovine je pribavilo mišljenja Ureda za zakonodavstvo BiH i Ministarstva financija i trezora BiH.

Prijedlog Odluke o izmjenama Odluke o imenovanju Radne skupine za realizaciju zaključka Zastupničkog doma sa 8. sjednice održane 25.08.2011. godine, sa pribavljenim mišljenjima, Ministarstvo pravde BiH je dostavilo 26.04.2012. godine Generalnom sekretarijatu Vijeća ministara Bosne i Hercegovine, radi razmatranja i usvajanja iste.

Vijeće ministara Bosne i Hercegovine je na 13. sjednici održanoj 12.7.2012. godine donijelo Odluku o izmjenama Odluke o imenovanju Radne skupine za realizaciju zaključka Zastupničkog doma sa 8. sjednice održane 25.08.2011. godine.